



## Universitätsbibliothek Paderborn

**R. P. Cornelii Hazart Societatis Iesv Theologi Discursus  
Morales In Selectiora Loca Genesis, Exodi, Levitici,  
Numerorum**

**Hazart, Cornelius**

**Antverpiæ, 1688**

Discursus II. Persequitur Pharao cum exercitu filios Israël, dividitur Mare rubrum, transeunt sicco pede filii Israël, Pharao cum suis submergitur.

[urn:nbn:de:hbz:466:1-52700](#)

hominibus ne amplius peccent, non dicit se suspensurum in aëre ingentem macharam, aut nubes disrupturum horrendis fulminibus ad terrorem, sed ponam, inquit, arcum meum in nubibus, quid illo arcu amoenius? quasi diceret. Nolo peccata compescere metu supplicii, quæ scio melius compescenda Arcu Triumphali clementiæ: Nam peccatorum animi melius ad divinum amorem trahuntur blanditiis quam minis: Nimius rigor ac crudelitas illos abigit, cogitque reverti ad servitutem diaboli unde exiverant. Aut ergo Deum imitare, aut si nolis, quid te immisces peccatoribus extipendiis, quando plus damni infers quam commodi.

Dicat mihi aliquis, si potest, ubi se *Christus* sàvum præstiterit, vel immitem in lapsos, & tu lachrymantem *Christi* filium tantum non calcibus abigis à te. Peccavit, inquires: Numquid prodigus peccaverat? numquid non erraverat *Magdalena*? numquid innocens erat latro qui pendebat in *Cruce*? & quam largè copioseque illi blanditus est *Christus*? primum exceptit convivio, alium exceptit in Regno, nescioque an plus indulserit filio prodigo, quando illum oculu exceptit, an *Magdalena*, quando permisit illi ut pedes suos oscularetur, lachrymisque rigaret?

Unde ergo erupit, truculentia ista ignota penitus Euangelio, quâ affusos ad nostros pedes poenitentes proculcamus ut lutum, vix eis absolutione scelerum impartita, postquam conviciorum in lugentes procellam effudimus?

## DISCURSUS II.

*Persequitur Pharaon cum exercitu filios Israël, dividitur Mare  
nubrum, transiunt sicco pede filii Israël, Pharaon cum  
suis submergitur.*

Am duobus diversis locis fixerant tentoria sua filii *Israel*, prout illos ducebant columnæ nubis & ignis. Primo in *Socoth*, deinde in *Etham*; quando Deus imperavit *Moyß* ut inde migrarent, & in alia plane parte sua castra locarent juxta Mare, in loco dicto *Beelsophon*, ita ut à sinistris vallati essent Mari, à dextris, & ante, præruptis montibus, adeoque ita conclusi ut vix daretur exitus: Ubi autem *Pharaon* intellexit illos non recto itinere incedere, & non abiisse ad

Tt 3

tres

tres dies ut Deo sacrificarent, sicut petierant, sed potius fugere, & que jam esse conclusos Mari, montibus, ac rupibus, non dubitabat, quin illos certo haberet in manibus.

Nec mora, tulit sexcentos currus, inquit Scriptura, & duces totius exercitus, & omnem populum suum assumpsit secum, & persecutus est filios Israel: Cumque appropinquaret Pharaon, levantes filii Israel oculos, videbunt Aegyptios post se, & timuerunt valde.

Tria hic habemus. 1. Deum qui duxerat filios Israel in locum tam angustum, & undequaque conclusum, ut nulla spes appareret effugii. 2. Habemus Pharaone magna vi persequentem Israelitas. 3. Israelitas summo timore correptos.

Quod contigit filiis Israel recenter ex Aegypto egressis, in suo itinere ad terram promissionis, hoc plurimis accidit in hujus vita peregrinatione, vel recenter conversis à peccatis, vel etiam admodum piis ac Sanctis qui numquam graviter peccarunt.

Quoad primum: Quando, inquit textus Chaldaicus, egressi sunt filii Israel de Aegypto, jussicerat illos Deus tertia aut quarta statione abire in talem locum, ubi via erat clausa eis à quatuor partibus, à dextris & à sinistris erant altissimi montes, & asperæ rupes, & deserta plena serpentibus, ante eos erat mare, post tergum eorum Pharaon & exercitus ejus: Erant ergo in summis angustiis.

Sic Deus saepe agit cum suis amicis, ponitque in summis angustiis, permittendo ut obruantur temptationibus, ariditatibus, & scrupulis: Itaque sint constituti ut putent se non posse evadere. Alii dicunt: O quam vehementer me hæc cogitatio vexat: Sunne apud Deum in amore vel odio? sum ne praedestinatus nec non? Alii vexant se præteritis peccatis, & jam non semel remissis: En quid ego scio, inquiunt, an peccata mea remissa sint? toties confessus sum, sed quid scio an bene? an dixerim prout debebam? an habuerim verum dolorem, aut firmum propositum? Alii turbant se in cogitationibus dishonestis, & putant se singulis pœne momentis peccare. Nullibi, inquiunt, sum securus, etiam in ipsa communione similes cogitationes occurrent. Alii se victos crediti & cessisse se temptationibus suspicantur nisi blaterent adversus demonem. & forte in temptatione tacuerint. Alii numquam quieti sunt nisi assidue repeatant suas confessiones, hinc non uno contenti in incertum vagantur, modo ad unum, modo ad alterum confessarium. Denique innumeros reperias qui clament cum Syllo-

Timor va-  
nus de  
prædesti-  
natione.

*u, angustis mihi sunt undique: Hinc altissimi montes difficultatum  
quas patior in anima, inde rupes ariditatum quas patior in oratio-  
ne, hinc vastum mare nescio quarum cogitationum, & inter hasce  
angustias calcibus imminet dæmon qui me persequitur: Ergo ti-  
mes sicut filii Israël cum viderent se in loco angusto conclusos ad-  
venientem cum exercitu Pharaonem? Quis, inquires, non timeret?  
an forte etiam ex animi pusillanimitate clamas cum filiis Israël con-  
tra Moysen. Quare nos eduxisti ex Aegypto? Ideone nos eduxisti ut  
moteremur in solitudine? numquid diximus tibi cum adhuc essemus  
in Egypto: Recede à nobis, ut serviamus Egyptiis: Multo enim melius erat  
irene eis quam mori in solitudine. Ergone te pœnitet quod te ad  
Deum converteris? quod te virtuti & servitio Dei addixeris? vel  
quod vitam spiritualem amplexus sis? Ergone malles servire dia-  
bolo, & mori inter vanitates deliciasque mundanas, quam vivere  
Deo inter tantas angustias? quis te non dicat insanum?*

*Audi ergo quid Moyses dixerit Israelitis: Nolite, inquit, timere,  
sed fate: Dominus pugnabit pro vobis, & vos tacebitis.*

*Iisdem ego verbis alloquor turbidos illos & inquietos spiritus:  
Quid tu angeris vanis conscientiae stimulis, & ait: Quid ego scio  
in sim in amore vel odio Dei? quid vexas te? dic mihi: Amas  
Deum, an odisti? amo, inquis, quid vis amplius? si amas, ama-  
nis, iustus enim es & amicus Dei si amas: fieri non potest ut  
heres vitæ æternæ non sit qui mori mavult, quam peccare, ad  
quid ergo ista dubitatio an prædestinatus sis nec ne? nemo à Deo  
repellitur, neminem ipse dimittit, nisi qui sponte ex domo ejus  
excellerit.*

*Etu quid times an peccata tua quæ confessus es, sint remissa?  
peccaverat David, & jam peccatum suum confessus fuerat Nabi Natan  
Prophetæ, dicens: Peccavi Domino, & audierat ex Prophetæ: Re-  
missum est tibi peccatum tuum. Ille tamen singulis noctibus riga-  
bat lacrymis stratum suum. Ecce David pœnitet, sed non desperat,  
lacrymatur, sed non obruitur, dolet, sed non ægrotat. Denique  
penitentiam agit, sed in lecto: Ita enim excrucibatur Propheti-  
cum illud cor commemoratione delicti, ut quasi molliter cubans  
in lecto, nullam quietis partem amitteret. Peccasti? dole: Confessus  
est latare: Peccatum enim remissum est; dubitas? ergo non cre-  
dis Christo dicenti, per confessionem peccata deleri? dubitas de do-  
lore*

lore & proposito tuo? quæ ratio? quia fortassis relapsus es? non semper relapsus signum est infirmi propositi, sed saepe infirmitatis naturæ; si tu feceris quod in te erat quando confitebaris, bene habet: Tu rem Deo committe, & depone vanos timores.

Et tu, quid turbas te cogitationibus dishonestis, quæ tibi etiam in communione obveniunt? castitatem nemo perdit nisi qui eam projicit, oppugnare te dæmon potest, non ideo tamen amittis victoriæ, sed duplicas coronam, quando doles te tales cogitationes habere: Sed dubito, inquires, an non consenserim; si dubitas, dic tibi ipsi, non consensi, si enim consensisses, non dubitares sed scires, nec enim tam enorme peccatum latere potest in animo justi, statim prodit seipsum. Quid curas cogitationes quas in corde excitat dæmon, si ita vivis, & sic constitutus sis, ut malles mori quam peccare? cogitet virgo quæ vel nuptam dedecet, libera tamen est, si tamen vitiis voluntate non servit: Quamvis omnia membra catenata videantur compedibus dæmonis, si sola voluntas compedibus careat, triumphat in vinculis. Paulus ipsis sentiebat se captivum trahi à lege peccati, ita ut facere cogentur quæ nollet, verum quia alligato corpore voluntas libera sensus repellat, virtutem in infirmitate perficit. Verbo ut dicam: Nullus in ipsis cogitationibus magis timendus est quam tuus timor. Dum enim times, das locum diabolo ut fortius te aggreditur, non enim timendo illum hostem ejicies, sed magis ad te oppugnandum excitabis. Ideo dicebat David: Si confistant adversum mea stra, non timebo.

Et tu quid blateras adversus dæmonem turpia suggesterent? & te victimum credis quia illi non obmurmuras? & forte dicas: *Vale quia tacui*, assensus sum quia continui me, & nihil dixi. Quid? ego desperas victoriæ quia tacuisti? ego è contrario inde concio te victorem quia filuisti: Tunc triumphabis quando diabolum non dignaris vel verbo. Ita enim te Deus vult agere cum diabolo, sicut ipse met egit cum Pilato: Ipse nihil respondit Pilato, tu nihil responde diabolo. Per silentium, inquit Ambrosius, triumphans Christus de Pilato, tu quoque de diabolo triumphabis, si fileas abscondit. Quid ergo vexas te? quid times? putasne nos judicem habere tam ferreum qui quoties cogitamus, toties nos reos pronuntiet? nonne, si hoc putas, frustra clamat Christus: *Ingnis membra suave est*; quando tu illud existimas esse gravissimum? sed ipsis venias

veritas falli non potest, ergo tu falleris quando te vexas ac times.

Etu, qui numquam quietus es nisi assidue reperas tuas confessiones, quia omnes præcedentes suspectas habes. Placet confessio, sed non toties repetita, non curantur vulnera nimia & sæpius iterata curatione, sed exulcerantur; nisi obvolvantur numquam coalescent, tegi debet vulnus postquam imposita sunt emplastra. Non semper incidenda vitis est, sed suum habent tempus putationis agricolæ: Alioquin si quotidie incidatur, peribit. Frustra Deum quartis per furentes procellas ac tempestates scrupulorum: Noluit Deus in templo ædificando vel mallei iætum audiri, antequam in illud cum gloria descenderet, & putas illum apud te hospitaturum, quando in te assidue auditur strepitus fluctuum, dum vix aliud agis quam omnem conscientiæ sarcinam volvere ac revolvare? exponas cor tuum cum deberes tegere vulnus: Confessarius, instar illius Samaritani, oleum ac vinum per absolutionem vulneribus animæ tuæ infudit: Quid vis amplius? cave ergo ne ligaturam resolvias, quanto minus antiqua vulnera attractaveris, tanto citius convalesces.

Denique fateor scrupulos magnis anxietatibus cruciare ac turbare conscientiam, & vix unquam homines efficere Sanctos, nisi faciant quod Moyses cum videret filios Israel plenos timore & angustia: Quid fecit? Extendit, inquit Scriptura, manum suam, & virga percussit mare rubrum, *divisa est aqua, stabatque utrimque quasi murus, & ingressi sunt filii Israel per medium siccæ maris.* Et sic evasere omnes angustias ac timores.

Quid ergo tu disputas tecum? quid vexas animum scrupulis? quid turbas te inanibus umbris? quid desperas propter quisquilias? uno iœtu potes omnia dispellere, *Gheest' er dan eenen slag in, ut Belgice loquimur, percute mare rubrum, confide sanguini Christi pro te tam copioso effuso, ille dabit tibi viam qua evadas, & per illud mare transibis ad cordis securitatem;* quis enim, nisi insanus, desperet? quis se turbet aut vexet, qui sincere credit sanguinem Christi effusum non ad terrorem, sed solatium nostrum, quid te tandem sanabit, si hoc non potest? Aetum est de te nisi eo configuias, & clamores cum D. Thoma: Anima Christi sanctifica me, corpus Christi salva me, sanguis Christi ineibia me, aqua lateris Christi lava me, passio Christi conforta me, intra vulnera tua absconde me, ab hoste maligno defende me &c.

Jam Israelite sicco pede rubrum mare transierant, quando Pharaonem & omnis equitatus & currus ejus, ingressi sunt post eos per medium maris. Iamque, inquit Scriptura, advenerat vigilia matutina, & eis respiciens Dominus super castra Aegyptiorum per columnam nubis & ignis, interfecit exercitum eorum, & subvertit rotas curruum, ferebanturque profundum: Dixerunt ergo Aegyptii: Fugiamus Israelem, Dominus enim pugnat pro eis contra nos: Extenditque Moyses manum contra mare, reversumque est ad priorem locum, fugientibusque Aegyptiis, occurrerunt aquae, & involvit eos Dominus in mediis fluctibus, nec unus quidem superstit ex eis.

Quis ita turbatus conscientia, quis ita oppressus angustiis, qui, omni depulso timore, non confidat, in Dominino, & speret in Deo suo, quando audit Pharaonem cum toto exercitu submersum in mari, & filios Israelem ab omnibus angustiis, in quibus fuerant, liberatos? Jam pridem diabolus submersus est in mari rubro sanguinis Christi: Et tu adhuc vexas te? adhuc dubitas de victoria? adhuc illum times te persequentem? quid adhuc te vexant peccata quae per confessionem simul cum dæmone perierte in mari sanguinis Christi? oblivisceris beneficium quod tibi præstítit Deus, quando dubitas an peccata remissa adhuc vivant. Cave, ne metu nostrarum extrahas infernalem Pharaonem ex undis, & dum toties conscientiam, & peccata exploras, iterum resurgant quæ perierant, dum magis te crucias peccatis imaginariis, quam antea cruciatus fuisti à vero peccato. Sine perditum quod perierit: Noli inquirere a deo adhuc supersit: Esto certus illum esse submersum, adeoque jam esto securus.

At, inquires, dicit Scriptura quod filii Israël adhuc timuerint post Pharaonem submersum: Fateor, & miror: Non miror, illos timuisse antequam sicco pede transirent per medium mare, urgenterib[us] à tergo hostibus, & extremam internectionem minantibus: Sed post totum Pharaonis exercitum, nullo superstite, deletum, timuisse, videtur pusillanimiatis fuisse, non fortitudinis. At dicit Scriptura illos timuisse Dominum. Hoc est aliud. Bonus enim timor est timere Dominum, ne & nos plectat, quando illum videmus alieno punientem, aliqui enim plentuntur ut multi corrigantur, juxta illud Cypriani Serm. 5 de lapis: Tormenta paucorum, exempla sunt omnium, discunt enim homines sibi caverere, dum ex alieno malo sapientiores facti abstinentur à malo.

Sic Deus voluit ut poena Caini reliquorum omnium foret medina: Occiderat ille fratrem suum, statuit illi Deus in poenam ut effet profugus super terram, totumque orbem obambularet, posuisse, inquit Scriptura, *in eo signum*, hoc est, ut tuto corpore tremeret, & sine voce omnibus quasi acclamaret, ego fratrem occidi, ergo omnes sibi caveant tale scelus committere, ne plectantur ut ego. Audiamus super hac re *Chrysostomum*; sic ille Deum facit loquentem ad *Cain Hom. 19 in Genes.* Relinquam te posteritati magistrum, ut tui spectaculum illi sit admonitio, nullusque exemplum tuum sequatur: Ista in toto vitæ tuae decursu resolutio nervorum posteritati utilis erit, & id quod solus nullo præsente operatus es, hoc dicent omnes qui te gementem & trementem videbunt, nullusque talia audeat facere qualia tu, ne in eandem penam incidat.

Etiam bestiæ quasi sapientiores fiunt punitione unius, si enim lupi alibi regnent, & unus suspendatur in via, omnes aufugiunt, ut periculum vitent, idem narrat *Albertus magnus de serpentibus*; sic bestiæ unius exemplo doctæ sibi consulunt, quid ergo facient animalia rationalia?

Itaque idcirco timebant filii *Israel* cum viderent totum Pharaonis exercitum submersum in mari, timentes ne & ipsi perirent, sed mox timor ille evanuit, cum se viderent in salvo, tunc enim omni timore deposito, incepérunt exultare præ gaudio, tripudiare, & canere, & gratias agere Deo, quod illos ab omni angustia, in qua fuerant, liberasset, & eripuisset de manibus *Pharao*.

### DISCURSUS III:

*Filiū Israël prosequuntur iter suum, & veniunt in Maras.*

Submerso Pharaone in mari, extulit *Mosæ* vocem suam, simul cum omni populo, & cecinit, inquit Scriptura, *carmen hoc Domino: Cantemus Domino, gloriose enim magnificatus est, equum & ascensem dejecit in mare, & reliqua: Maria quoque soror ejus, sumpsit tympanum in manu, egressaque sunt omnes mulieres post eam cum tympanis,*

Vv 2 panis,